



UNIVERSITÄTS-
BIBLIOTHEK
PADERBORN

Universitätsbibliothek Paderborn

Agenda, Sev Ritvale Osnabrvdense

Franz Wilhelm <Osnabrück, Bischof>

Coloniæ Agrippinæ

Modus & præcepta concionandi, sive de Prædicatione Verbi Dei.

urn:nbn:de:hbz:466:1-41233

DE PRÆDICATIONE
VERBI DEI,

ex Concilio Provinciali Colonienſi,

celebrato, Anno 1536.

De diſſeminatione verbi Dei.

Cap. I.

Hoc miniſterium ſanctiſſimus Apoſtolus cæteris omni-
bus præfert. Vnde & Corinthiis ſcribens, ait: Non mi-
ſit me Chriſtus baptizare, ſed euangelizare. Cui & cæ-
teri Apoſtoli adſtipulantur, cum inquiunt: Non eſt
æquum, nos relinquere verbum, & miniſtrare menſis.
Quin imo & Chriſtus aliis anteponit: Euntes, inquit, in univer-
ſum mundum, prædicate Euangelium omni creaturæ, ac docete
omnes gentes; baptizantes eos, in nomine Patris, & Filii, & Spiri-
tus ſancti; docentes eos, ſervare omnia, quæcunque mandavi vobis.
Quamobrem S. Paulus, Timotheum excitans, ait: Attende lectio-
ni, attende exhortationi & doctrinæ; noli negligere gratiam quæ eſt
in te, quæ data eſt tibi per prophetiam cum impositione manuum
Presbyterii; hæc meditare, in his eſto, ut proſectus tuus manifeſtus
ſit omnibus. attende tibi & doctrinæ, iſta in illis; hoc enim fa-
ciens, & te ipſum ſalvum facies, & eos qui te audiunt. Et iterum:
Tu vero vigila, in omnibus labora, opus fac Euangeliste, præ-
dica verbum, iſta opportune, importune, miniſterium tuum imple.

Quid Parocho meditando.

Cap. II.

Meditabitur Parochus, quid ipſi Dominus per Ezech. c. 3, 33,
ac 34, præceperit; parabolaq; ſpeculatoris, menti inſigenda eſt:

Spe-

Speculatorem, inquit, dedi te domui Israël. quod si speculator viderit gladium venientem, & non insonuerit buccinâ, & populus se non custodierit, veneritque gladius & tulerit de eis animam, ille quidem iniquitate sua captus est, sanguinem autem ejus de manu speculatoris requiram. Parochi quidem sunt, quibus potissimum dictum est: Fratres, si quis ex vobis erraverit à veritate, & converterit quis eum; scire debet, quoniam, qui converti fecerit peccatorem ab errore viae suae, salvabit animam ejus à morte. Dura est nimis illa Prophetae lamentatio: Parvuli petierunt panem, & nemo dabit eis. Pasce ergo fame morientem: si non paveris, occidisti. At homo ex duabus partibus constat; ex carne scilicet & spiritu: duplici ergo cibo opus est. nam, ut sacra Scriptura ait: Non in solo pane vivit homo, sed in omni verbo quod procedit de ore Dei. Cibus exterior carnem tantum mortalem reficit, & intrans per os in ventrem vadit, & in secessum emittitur. Panis autem spiritus, tam per verbum prædicationis, quam sacramentaliter in veritate Corporis & Sanguinis Dominici, in viva fide comestus, vivificat, reficit ac vegetat animam; qui non perit, sed permanet in vitam aeternam; & hunc qui ederit, non morietur in aeternum. Id quod omnes pii sciunt ac sentiunt. Vivus enim sermo Dei est & efficax, & penetrantior quovis gladio ancipiti, ac pertingens usque ad divisionem animae & spiritus, compagumque & medullarum.

Fidelitas imprimis in Parocho requiritur.

Cap. III.

Hic jam inter hujus caelestis panis dispensatores queritur, ut fidelis quis inveniatur: fidelis, inquam, servus ac prudens, quem constituit Dominus super familiam suam, ut det illis escam in tempore. Beatus ille servus, quem, cum venerit Dominus ejus, invenerit sic facientem. Sin secus, veniet Dominus servi illius, in die quo non sperat, & hora quam ignorat;

& divi-

Et dividet eum; partemque ejus ponet cum hypocritis; ubi erit fletus Et stridor dentium.

Quis sit fidelis verbi dispensator.

Cap. IV.

IS autem fidelis est dispensator, attestante diviniſſimo Ioanne, cujus scopus unicus ille Christus est, Et cujus ſpiritus conſitetur, Christum in carne veniſſe; id est, ut Divus Paulus interpretatur, qui docet, apparuiſſe gratiam Dei Et Salvatoris noſtri omnibus hominibus, ad erudiendum nos, ut, abnegantes omnem impietatem Et ſecularia deſideria, ſobrie, juſte Et pie vivamus in hoc ſeculo, exſpectantes beatam ſpem Et adventum glorie magni Dei Et Salvatoris noſtri Ieſu Chriſti. Qui, inquam, docet, eundem Ieſum Christum, Dominum noſtrum, hominum factum, ut daret ſe ipſum pro nobis, ut nos redimeret ab omni iniquitate, Et mundaret ſibi populum acceptabilem, ſectatorem bonorum operum. Quibus verbis S. Paulus duas in Chriſto naturas, Verbi ſcilicet Et Carnis, indiſſolubili vinculo coherentes, Et utriuſque nature rationem, complectitur: Verbi; quatenus erudit nos, docens, qua ſit voluntas Patris; quam facientibus, denunciatur premium, pravaricantibus vero poenam eternam: Carnis vero; quatenus datus Et immolatus eſt pro nobis in ara Crucis, Agnus immaculatus, Et victima, tollens peccata mundi, nobis relinquens exemplum, ut ſequamur veſtigia ejus, Et eadem cogitatione armemur: quia, qui paſſus eſt in carne, deſiit a peccatis, ut jam non deſideriis hominum, ſed voluntate Dei, quod reliquum eſt in carne temporis, vivamus. Omnis autem Spiritus, qui ſolvit Ieſum, ex Deo non eſt; Et hic eſt Antichriſtus; de quo audiviſtis, quoniam venit, Et jam in mundo eſt.

Omnis Scriptura ad geminam charitatem exigenda.

Cap. V.

IS item fidus eſt miniſter verbi, qui omnem Scripturam ad Chriſtianam exigit charitatem. Charitas enim Chriſtianiſmum con-

E e e e

ſum-

summat, quemadmodum apud Divum Paulum legimus: Finis præcepti est charitas, de corde puro, conscientia bona, & fide non ficta; & est potissimum illud indicium, quo Christiani esse comprobamur. In hoc (ait Christus) cognoscent omnes, quia discipuli mei estis, si dilectionem habueritis ad invicem. Vnde B. Augustinus, in libris de Doctrina Christiana, brevissimam methodum, ad perverstigandas intelligendasque Scripturas, commonstrare volens: Quisquis Scripturas divinas, vel quamlibet illarum partem, intellexisse sibi videtur, ita ut in illo intellectu non edificet geminam charitatem Dei & proximi, is nondum intellexit, quod legis ac Scripturarum summa, finis, ac plenitudo, sit dilectio; quæ duobus mandatis comprehenditur; nempe: Diliges Dominum Deum tuum, ex toto corde tuo, ex tota anima tua, & ex tota mente tua; & Diliges proximum tuum, sicut te ipsum; & quemadmodum vultis ut faciant vobis homines, ita & vos facite illis: in his duobus mandatis universa lex pendet & Prophetæ. Quicumque ergo ad hanc amussim doctrinam suam attemperat, is nunquam potest perniciose errare.

Summa Evangelicæ prædicationis.

Cap. VI.

EZechiel vero Propheta summam suæ prædicationis Dominum enarrantem facit, hisce penè verbis: Vivo ego, dicit Dominus; nolo mortem peccatoris, sed ut convertatur impius & vivat. justitia justi non liberabit eum, in quacunque die peccaverit: & impietas impij non nocebit ei, in quacunque die conversus fuerit ab impietate sua. Quare, qui egerit pœnitentiam à peccato suo, feceritque judicium & justitiam, & in mandatis vitæ ambulaverit, nec fecerit quicquam injustum, vitæ vivet & non morietur. Quod Christus brevibus complexus: Pœnitentiam, inquit, agite; appropinquavit enim regnum cælorum. Sed de his aliàs locupletius. Suffecerit hic, utcunque indicasse scopum.

Paro-

Parocho cautissima sollicitudine in Prædicatione
Verbi Dei utendum.

Cap. VII.

Quo autem sollicitius Parochus provinciam, cui admotus est, gubernare satagat; haud existimabit, se alicui levi muneri, sed omnium gravissimo ac difficillimo, praefectum; tanta nimirum difficultatis, ut verbi predicatorem, undequaque absolutum, vix unum è millibus reperias. Non idem est ovium palatum: magna in pascendis varietas: quod unam oviculam nutrit, alteram macerat aut mactat. Culpaverit aliquis avaros; prodigus hinc argumentum prodigalitatæ suæ colliget. Culpaverit prodigos; avarus inde tenacitatis suæ excusationem arripiet. Ea est hominum malitia, ut, nedum alia, sed & sanctissimum Dei verbum, pro suis quisque affectibus, ac ad sua desideria consovenda potius quam eradicanda, trahat. Videmus, pro dolor, quemadmodum hac tempestate plerique Sacras literas in parabolam ac proverbium vertant, atque, ad excusandas excusationes in peccatis, summa vi ac impudentia, torqueant, adulterantes verbum Dei. Quare Parochus cautissima sollicitudine agere debet per gladium Dei, secantem à dexteris & à sinistris, ut medium iter pateat, ad incedendum per viam regiam mandatorum Dei.

Quemadmodum sermo temperandus.

Cap. VIII.

At temperandus sermo, quoad fieri potest, pro auditorum captu, alii siquidem acri ingenio ac judicio sunt, alii hebetes animo ac rudi minerâ præditi; quidam attenti, quidam verò desides; hi recte ac sincere instituti, illi seducti ac decepti. Discretionem ergo maxima opus est. Breviter; nemo erit concionator absolutus, cui præter vitam exemplarem non adsint omnia quæ sequuntur: nempe, cognitio Scripturarum utriusque Testamenti, ingenium

velox, solers atque versatile, eloquentia vehemens, suadibilis & suaavis, neque interim minus temperata quam copiosa, prudentia, rerum ac personarum docendarum experientia multiplex, immobilis constantia; denique spiritus; qui si deerit, reliquis donis parum profecerit. Non enim vos estis qui loquimini, sed Spiritus Patris vestri qui loquitur in vobis. Quomodo enim ad aeternarum rerum desideria alios accendet, qui ipse totus languet & friget, nondum spiritu concepto, qui ex Deo est, quem & ipse Deus dat bonum petentibus se? En, quam arduum est concionandi munus! Nec tamen propterea diffidentiam (quæ plerumque multos avertit) deserendum. Ad euangelizandum missi sunt Parochi. Væ ergo illis, si non euangelizaverint. Si quis autem eorum sapientiam indiget, scrutetur Scripturas, & postulet à Deo; qui dat omnibus affluenter, & non improperat; & dabitur ei.

Quid cavendum inter concionandum.

Cap. IX.

CAvebit autem modis omnibus, ne lubricus in docendo sit, huc illucque effluens; & imprimis, ne vento doctrinarum, ab Ecclesia Catholica non receptarum, veluti nubes sine aqua, circumferatur: sed formam habeat sanorum verborum ab Ecclesia. S. Paulus ad Titum ait: Loquere quæ decent sanam doctrinam, verbum sanum & irreprehensibile.

Nihil aut fabulosum aut suspectum adferendum.

Cap. X.

Ineptas autem & aniles fabulas devitabit: qualia sunt, quæ ex nullis probatis autoribus, sed potius suspectissimis obscurorum hominum commentis, afferuntur exempla, olim verè genealogie interminata, quod ad pietatem illa nihil fecerint: exercebit autem se ipsum ad pietatem; quod corporalis exercitatio ad modicum utilis sit, pietas autem ad omnia utilis, promissionem habens vitæ, quæ nunc est, & futuræ.

Loqua-

Loquacitas vitanda.

Cap. XI.

Nequè minus vitabit prophana & vaniloquia, hoc est, futilem & inanem loquacitatem; quâ nonnulli, ratiocinationibus humanis, falsam scientiæ opinionem sibi venantur. Sic enim suum compellat Timotheum D. Paulus: O Timothee, depositum custodi; devitans prophanas vocum novitates, & oppositiones falsi nominis scientiæ, quam quidam promittentes, circa fidem exciderunt.

Quemadmodum Parochum adversus hæreticos pugnare deceat.

Cap. XII.

Paratos nos esse vult Apostolus Petrus ad satisfactionem omniposcenti nos rationem de ea, quæ in nobis est, spe & fide; sed cum modestia & timore. Neque ergo doceat, neque intendat his Parochus, quæ quæstiones magis præstant, quam ædificationem quæ est ex charitate. 1 Tim. 1, & iterum 2 Tim. 2 & 3, Paulus ait: Stultas & sine disciplina quæstiones, & pugnas legis, respue; sciens, quia generant lites: servum autem Domini non oportet litigare. Proindeque, ubi cum hæreticis res est, corripiet quidem eos cum modestia, qui resistunt veritati; si quando Deus det illis pœnitentiam ad cognoscendam veritatem, & respiscant à diaboli laqueis, à quo tenentur captivi ad ipsius voluntatem. Quod si non profecerit, hæreticum hominem post unam & alteram correptionem devitet; sciens, quia subversus est qui ejusmodi est, & delinquit cum sit proprio judicio condemnatus. Nequaquam autem ad populum verbis contendat; ad nihil enim utile est nisi ad subversionem audientium: memor Apostolici sermonis, quo rejiciuntur omnes qui scissuram quærunt. Si quis enim vult contentiosus esse, nos talem consuetudinem non habemus, neque Ecclesia Dei.

A scommatis & conviciis abstinendum.

Cap. XIII.

INter concionandum ergo à scommatis, maledictis, ac conviciis omnino abstinendum est; prædicetur pure ac sincere Dei verbum, juxta Ecclesiarum traditionem, & Patrum ab Ecclesia Catholica approbatorum interpretationem. Quæ vero in contentionem vel disceptationem revocari possunt, penitus fileantur.

In contentiosis dogmatibus quomodo docendus
populus sapere.

Cap. XIV.

IN controversis autem & contentiosis obscurisque dogmatibus, quæ sacris voluminibus vel universali Ecclesiæ consensu expresse decisa non sunt, populus privatim (maxime cum exomologesi se purgat, modò gravatam conscientiam in hoc habeat) ita docendus est sapere, atque hac cautione profiteri de his se credere, sicut credit Ecclesia. hoc enim tutius, quam asseverare, de quo dubites, aut quod non intelligas.

Qualem oporteat esse Parochum in
reprehendendis criminibus.

Cap. XV.

ERit quoque Parochus in reprehendendis criminibus vehemens atque acer; constitutus est enim, ut annunciet populo scelera eorum; sic tamen, ut in suggestu vitia tantum reprehendat, non personas nominatim perstringat. Argue, inquit Apostolus, increpa, obsecra, in omni patientia & doctrina. Vbi persona arguenda, denunciatione Evangelica utendum. Si peccaverit in te frater tuus, inquit Christus, vade & corripe eum inter te & ipsum solum. Quod si te audierit, lucratus eris fratrem tuum: quod si non audierit, adhibe tecum adhuc unum aut duos, ut in ore duorum

aut

aut trium testium stet omne verbum: quod si eos non audierit, dic Ecclesie; quod si Ecclesiam non audierit, sit tibi sicut ethnicus & publicanus. Sic Paulus Corinthium, resipiscere nolentem, excommunicavit. Et hic iterum Christi doctrina & exemplum sequendum, ut benevolentia se veritatem vincat; ut paratus sit Parochus dimittere peccanti, non modo septies, sed septuagesies septies. Et, cum Christo, paratior sit ad absolvendam adulteram, ad frugem melioris vite revertentem, quam ad condemnandum. Quemadmodum Paulus quoque recepit Corinthium in gratiam illum, pœnitentem.

Manifesta reprehensio utriusque potestatis vitanda.
Cap. X V I.

Vitanda quoque manifesta reprehensio utriusque potestatis, tam Ecclesiastica quam civilis, neque invehendum in Ordinem aliquem, aut aliquod ab Ecclesia receptum genus vivendi. Omnis enim potestas à Deo est, & propterea eatenus honoranda non incessanda. Sequenda præcursoris Dominici doctrina & exemplum, qui ne milites quidem à se repulit, aut ulla contumelia affecit, sed magis viam recte vivendi ostendit. Per ejuscemodi enim incautam reprehensionem, plebs ad seditionem magis ac rebellionem incitatur; hanc murmur, odium, impatientia, contumacia, protervia, & detractionis libido comitantur, quin potius docendus populus est, obedire Magistratibus, præpositis suis, etiam discolis; ac interim admonendus est, si sint Magistratus interdum vitiosi, id evenire, quod Dominus regnare facit malos & hypocritas propter peccata populi; omnem animam potestatibus sublimioribus subditam esse; quodque omnis potestas à Deo sit; quod denique, qui potestati resistit, Dei ordinationi resistat; nisi tamen potestas expresse præcipiat, quod est contra mandatum Dei; tum enim oportet plus obedire Deo, quam hominibus.

Quo-

Quomodo corripiendi Magistratus.
Cap. XVII.

IN corripiendis vero Magistratibus, correctioni quoque fraternæ locus est; quemadmodum Ioannes reprehendit Herodem; sic enim legimus: Dicebat enim Ioannes Herodi, non populo; Non licet tibi uxorem fratris tui habere. Quâ si nihil promoveas, postulanda & expectanda provisio Prælatorum ac majorum magistratuum est; qui si dissimulent, etiam consultum magis, ut ultio remittatur ad Deum, quam ut scandalum inde deterius subsequatur.

Admonendus est populus, ut oret pro Magistratibus.
Cap. XVIII.

Est autem populus frequenter in concionibus, post concionem vero semper, diligentissime commonendus, ut Deum Opt. Max. pro potestatibus deprecetur. Obsecro, inquit gentium magister Paulus, ut fiant omnium obsecrationes, orationes, postulationes, gratiarum actiones, pro omnibus hominibus, pro regibus & omnibus qui in sublimitate constituti sunt; ut quietam & tranquillam vitam agamus in omni pietate & castitate: hoc enim bonum est & acceptum coram Salvatore nostro Deo, qui omnes homines vult salvos fieri, & ad agnitionem veritatis venire.

Notantur, qui secus docent.
Cap. XIX.

SI quis aliter docet, & non acquiescit sanis sermonibus Domini nostri Iesu Christi, & ei, quæ secundum pietatem est, doctrinæ; superbus est; nihil sciens, sed languens circa pugnas & quæstiones verborum, ex quibus oriuntur invidiæ, contentiones, blasphemias, suspensiones male, conflictationes hominum corruptorum & qui veritate privati sunt, existimantium, quæstum esse pietatem.

Ordo concionandi, quem simpliciores sequentur.
Cap. XX.

Simpliciores ac minus eruditi concionatores, festis quibusque diebus, concione, in nomine sanctissimæ Trinitatis, cum imprecatione gratiæ Dei, (nempe ut Dominus suum Spiritum verbo addere dignetur) cœptâ, initio ambas lectiones, quæ Epistola aut Evangelium Missæ ejus diei appellantur, ad verbum denarrabunt. Deinde, post imploratam divini nominis clementiam, regrediantur ad brevem utriusque lectionis dilucidationem; locos aliquot communes ex utraque deligentes, quibus populus ad vitæ pietatem, charitatemque Dei ac proximi, inflammetur. Denunciabunt quoque, quid Ecclesia Dei eo die potissimum Deum oret ac precetur, quod in precationibus seu Collectis, quæ post cantatum Kyrie eleison, aut, Gloria in Excelsis, dicuntur, continetur: ac hortabuntur populum, ut idem pariter, interea dum Sacra aguntur, Deum oret, si non verbotenus, mente tamen.

Sanctorum historiæ quatenus attingendæ.
Cap. XXI.

Sanctorum historiis ne nimis diu immorentur; quin potior pars (uti jam diximus) Evangelio detur & Epistolæ explicandis. quod si fabulosa videbitur historia, ne attingant quidem; si verisimilis, leviter; eaque decerpant, quæ imitanda videantur. Miracula quoque ne impudentius jactentur, nisi quæ Scripturis prodita, aut à non levibus scriptoribus, summa cum historiæ fide, tradita fuerint.

Allegoriæ quomodo explicandæ.
Cap. XXII.

Si quas allegorias, aut sensus Scripturæ reconditiores, spiritualia spiritualibus conferentes, adferre velint; has ex receptis Ec-

*clesiæ Doctõribus, veluti Ambrosio, Hieronymo, Augustino, Chryso-
stomo, ac similibus comprobatis autoribus desument.*

Quomodo finienda Concio.

Cap. XXIII.

Vbi ad calcem concionis deventum erit, brevi Epilogo, quo ar-
gumentum ac capita totius concionis renarret, utatur. id
enim ad captum, ac fulciendam memoriam auditorum, plurimum
fecerit.

Quid recitandum finita Concione.

Cap. XXIV.

Debet quoque, finita concione, Decalogus ac Symbolum fidei,
et succinctè et exerte recitari; illa quoque exomologesis ac
publica peccatorum confessio, cum imploratione misericordie Dei,
pure ac distincte pronunciari, ac moneri populus, ut iisdem verbis
Sacerdotem pronunciantem subsequatur; ac deinde recenseri conso-
latoria imprecatio remissionis peccatorum, ut populus, dejecto, con-
trito, humiliato animo, ac toto corde, cum Presbytero accingatur
ad mysterium sue redemptionis (quod in altari tractatur) con-
templandum, fructumque Dominice Passionis, quæ in Altaris my-
sterio commemoratur representaturque, participandum.

Quomodo, finita Concione, populus excitandus
ad orandum pro defunctis.

Cap. XXV.

Cum multum plerumque temporis, parvo cum fructu, teratur
in recensendis singulatim defunctorum nominibus, ubi viritim
pro quolibet exigitur una Oratio Dominica, idque interdum non
citra suspicionem vel questus vel ambitionis fiat: nobis potius vi-
debitur, ut populus, ad communem pro defunctis orationem pie ac
devote dicendam, accendatur, et hæc genealogia intermittantur.

Quo-

Quomodo in Cathedra Sacerdos se gerere debeat.

Cap. XXVI.

DEcantato, in Missa solemnī, Credo; Sacerdos, posita ad cornu Epistola casula & manipulo, Cathedram conscensurus, indutus aut veste alba & stola, aut superpelliceo & stola convenienti, pro diversitate temporum, pileum quadratum manu deferens, illum in Cathedra deponat; & si Venerabile Sacramentum sit expositum, eum nunquam, aliās lecto Euangelio, ad initium dictionis, imponat, & ad finem dictionis (uti etiam, si quando nomen IESUS pronunciat,) reverenter deponat. Primo itaque, in Cathedra deponens quadratum pileum & Euangeliorum librum, per unum circiter Ave Maria subsistat, & circumspiciat, auditoresque presentes notet, donec ad quietem se populus composuerit; deinde pergat lingua vulgari Germanica; & formet majorem Crucem, dicens: Im Rahmen Gottes des Vatters/des Sohns / und des Heiligen Geists / Amen. Nach diesem folget das Thema, so er in Lateinischer Sprach ausspricht v. g. am Neuen Jahrs tag / Et vocatum est nomen ejus IESUS, Luca 2. cap. Darnach sagt er langsam diese folgende Wort. Die Gnade / Friede / und Barmherzigkeit Gottes des Himlischen Vatters / die liebe seines Eingebornen Sohns Christi Iesu, die Gemeinschaft und Einsprechung des Heiligen Geists / sei und bleibe bei uns allen / Amen.

Pro diversitate temporum, loco verborum, die liebe seines eingebornen Sohns / dicat in Adventu, die Ankunft Christi Iesu; in Quadragesima, das bittere Leiden und Sterben unsers Herrn Christi Iesu; circa Paschalia Festa, die fröliche und freudenreiche Brstendt Christi Iesu; circa Ascensio-

nem, die gloriwürdigste Himmelfarth Christi Iesu &c. sei
vnd bleibe &c.

Deinde clara voce dicat: Die wort / so ich erwer Lieb vnd
Andacht jetzt in Lateinischer Sprach habe vorgehalten/
seind genommen aus dem Heiligen heutigen Euangelio,
so vns beschreibt der Heilig Euangelist Lucas am 2 capit.
seiner Euangelischen historie. *Si sit Epistola, Lectio, vel alius
Scripturae textus, loco supradictorum verborum,* seind genom-
men aus dem heutigen Euangelio, *dicat,* seind genommen
aus der heutigen Epistel/ Lection, oder aus der Heiligen
Göttlichen Schrift / vnd werden beschrieben bei dem
Heiligen Apostel N. oder Weisen Man / oder im ersten
Buch N. am N. capitul/ vnd lauten auff vnser allgemeine
Teutsche sprach also: V. G. Vnd sein Nahme
ward genennet Jesus.

Finito themate, dicet: Diß seind die wort Christi, so Er
geredet zu seinen Apostelen/ Jüngerem/ Juden oder Pha-
riseern. *Deinde, voce aliquantulum submissiore, perget, & dicet,*
Von diesen obangezogenen worten ehe wir etwas wei-
ter reden/wollen wir zuvor die gnad Gottes durch ein an-
dächtiges Vatter vnser vnd Heiligen Gruesß demütigst
begeren/ vnd betten. *Post hæc, stans, clara voce orabit, Pater
noster, Ave Maria, & Credo, Germanice. Tempore Nativitatis,
Paschatis, Ascensionis & Pentecostes, dicet sequenti modo, ante-
quam oret Pater & Ave:* Dieses zu erhalten/ lasset vns die
gnad Gottes des Herrn / durch das gewonliche Christ-
Oster- Auffarth- oder Pfingst-gesang / demütigst bege-
ren/ vnd singen. *In Nativitate, ante concionem, Ein Kinde-
lein so löbelich. post concionem, Gelobet seistu Herz Iesu
Christ. In Paschate, ante concionem, Christ ist erstanden.
post concionem, Christ fuhr gen Himmel. In Pentecoste, ante
& post concionem, Nun bitten wir den heiligen Geist/ &c.*

Per-

Peracto cantu, recitabit clara voce, Vatter vnser &c. & Begrüßet seistū Maria.

Post hac dicat Concionator: Stehet auff/ vnd höret an/ die wort der heutigen Epistel/ oder Lection, so vns beschreibet de Heilliger N. am N. capitul. Absoluta Epistola, vel Lectione, dicit, Bezeichnet euch mit den Zeichen des heiligen Creuzes. Hic formet parvam Crucem, ante frontem, os, & pectus, dicens, vnd sprechet / Im namen Gottes des Vatters †/ des Sohns †/ vnd des heiligen Geists †/ Amen: höret an die wort des Heiligen heutigen Euangelii, welches vns beschreibet der Heilig Euangelist N. am N. capitul seiner Euangelischen Historie / vnd lauten auff vnser al- gemeine Teutsche Sprach also. Lecto Euangelio, subjungit, So weit verstrecken sich die wort des Heiligen heutigen Euangelii, durch welcher krafft verzeihe vns Gott alle vnser sünd vnd missethat/ Amen. His premisis, repetat Thema; & concionem ordiatur; & ne molestus sit, infra horam finiat.

Finita concione, hortetur populum ad preces, hac similive forma: Weill wir im Herrn versamlet/ so lasset vns abermahlen Gott demütigst anrufen / daß der geworffene Same Göttliches worts in vnseren herzen möge frucht bringen/ Lasset vns auch bitten für alle Stände der Christenheit/ Päpstliche Heiligkeit/ Kaiser/ Könige/ Fürsten vnd Herren/ für alle Geist- vnd Weltliche Obrigkeit/ zu forderst aber für vnseren Hochwürdigsten Bischoff N. (wan aber kein Catholischer Bischoff ist/ Für vnsern Hochwürdigsten Metropolitanum Erzbischoff zu Cöln / auch N. vnseren Gnädigsten Landsfürsten vnd Herrn/) daß der Allmächtiger Gott in fried vnd einigkeit / bei langwiriger regirung vnd gesundheit dieselbe gnädigst erhalten wolle/ Lasset vns auch weiter bitten für abwendung aller woll-

verdienten straffen/ als tewrungen/ krieg/ pestilenz/ vnd
 franckheiten/ für bekehrung aller irrigen im glauben/ vnd
 besserung deren die in sünden leben / für alle francke / be-
 schwerte / gefangene / vnd betrübte von herzen / für alle
 abgestorbene / benentlich diese (*quorum nomina legat,*) auch
 für die / so sich vnserem Gebett befohlen / vnd für welche
 wir zu betten schuldig sein / leßlich auch (*si talis commen-
 detur*) für eine Gott bekante sache N. wie auch für eine
 francke Person N. für einen oder mehr reisende N. N.
 Lasset vns derowegen mit andächtigem herzen bitten
 vnd betten. *Hic recitet, vulgari lingua, præcepta Dei & Eccle-
 sia, sacrosancta septem Sacramenta, & quatuor novissima: de-
 inde distinctâ voce dicat sequentem Orationem, cum confessione
 generali.*

Ein Gebett für das gemeine anligen der Christenheit nach der Predigt.

Almächtiger/ ewiger Gott/ Herz Himlischer Vatter/
 sehe an mit den augen deiner grundlosen Barm-
 herzigkeit vnsern jammer / elend vnd noth / Erbar-
 me dich ober alle Christgläubige / für welche dein Eingeborner Sohn/ vnser lieber Herz vnd Heiland Iesus Christus, in die hând der Sünder williglich kommen/ vnd auch sein rosenfarbes Blut am stamme des heiligen Creuzes vergossen hat. Durch diesen Herrn Iesum wende ab/ gnädigster Vatter/ die wollverdiente straffe/ gegenwertige vnd zukünftige gefehrlichkeiten / schädliche empörungen vnd kriegsrüstung / tewrung / franckheiten vnd betrübte armfelige zeiten/ Erleuchte auch vnd stärke/ in allem guten / Geisliche vnd Weltliche Obrigkeit vnd Regenten/

damit

damit sie alles fördern / was zu deiner Göttlichen ehr / zu vnserm Heil / vnd zu gemeinem frieden vnd wollfahrt der Christenheit gedeien mag.

Verleihe vns / O Gott des friedens / rechte vereini- gung im Glauben / ohne alle spaltung vnd zertrennung / bekehre vnser herzen zu wahrer Buß vnd besserung vn- sers leben. Zünde an in vns das Fewr der Liebe / gib ein hunger vnd eifer aller Gerechtigkeit / damit wir / als ge- horsame Kinder / im Leben vnd Sterben dir angenehm vnd wolgefällig sein mögen.

Wir bitten dich auch / wie du wilt / O Gott / das wir bitten sollen / für vnser Freunde vnd Feinde / für Ge- sunde vnd Krancke / für alle betrübte vnd elende Christen / für Lebendige vnd Abgestorbene. Dir sei einmahl befoh- len / O Herr / all vnser thun vnd lassen / vnser handel vnd wandel / vnser leben vnd sterben. Laß vns nur deiner Gnaden hie genießen / vnd dort mit allen aufferwehsten erlangen / das wir in ewiger Freude vnd Seligkeit dich Loben vnd Ehren mögen. Das verleihe vns / Herr Him- lischer Vatter / durch Iesum Christum deinen lieben Sohn / vnsern Herrn vnd Heiland / welcher mit dir vnd dem Heiligen Geist gleicher Gott lebt vnd regiert in Ewigkeit. Amen.

Ein gemeine Beicht nach der Predigt.

Ich armer Sündiger Mensch widerfage dem bösen Feind / allem seinem eingeben / rath vnd that : Ich gläub in Gott den Vatter / in Gott den Sohn / vnd in Gott den Heiligen Geist. Ich gläub gänzlich / was die gemeine Christliche Kirch befiehlt zu gläuben. Mit diesem Heiligen Catholischen

Glau-

Glauben / beichte ich / vnd bekenne Gott dem Allmächtigen / Mariæ seiner hochwürdigen Mutter / allen lieben Heiligen / vnd geb mich schuldig / daß ich / von meinen kindlichen tagen an / bis auff diese stund / oft vnd viel gesündigt hab / mit gedanken / worten / wercken / vnd vntersung vieler guten wercken / Wie dan solches alles geschehen ist heimlich oder öffentlich / wissentlich oder unwissentlich / wider die Zehen Gebott / in den sieben Thodsünden / an den fünff sinnen meines Leibs / wider Gott / wider meinen Nächsten / vnd wider das Heil meiner armen Seel. Solche vnd alle meine sünde seind mir leid von hertzen. Bitte darumb demütiglich dich ewigen barmhertzigigen Gott / du wollest mir deine Göttliche gnad verleihen / mein leben fristen so lang bis daß ich alle meine sünd mög beichten vnd büßen / deine Göttliche huld erwerben / vnd nach diesem elenden Leben die ewige Freud vnd Seligkeit erlangen. Derhalben klopff ich an mein sündiges Hertz / vnd spreche mit dem offenen Sünder : O Herz Gott / bis gnädig mir armen sündigen Menschen / Amen.

Confessione generali finita, dicat :

Misereatur vestri omnipotens Deus, & dimissis peccatis vestris, perducatur vos in vitam æternam.

Indulgentiam, absolutionem, & remissionem omnium peccatorum vestrorum, tribuat vobis omnipotens & misericors Dominus, Pater, & Filius †, & Spiritus sanctus. Amen.

Post que omnia, promulget jejunia, Festa, matrimonia, & si que alia proclamanda. In discessu vero cantent, Verleihe vns Friede gnädiglich / &c.

Si vero post meridiem concionatus fuerit, absoluta cantione, Verleihe vns Friede &c. subjungat collectam de Pace; & deum addat Antiph. & Collectam de B.V. tempore aptam. Deinde,

post-

postquam dixerit *Versum*, *Divinum auxilium &c. benedicat populum.*

DE CVRA PASTORALI CIRCA CERTAS PERSONAS.

De Sacellanis, Vicariis, Altaristis, &c.

I. **P**arochi omnes, de sua jurisdictione ac Canonica institutione sive investitura, coram suo quicunque Superiori seu Decano rurali, per legitima instrumenta fidem faciant: ac, ad manus ejusdem, professionem fidei edant, secundum formam, à sacra Tridentina Synodo prescriptam.

II. Provideant etiam ac advigilent, ut nullus Sacerdos, sive Sæcularis, sive Regularis, etiam exemptus, administrationem Sacramentorum, & præcipue Confessionum audiendarum munus, aut prædicationem verbi divini, in Ecclesiis suis publice sibi sumere audeat, nisi doctrina, moribus, & vita probatus fuerit Episcopo aut ejus Vicario, ejusdemque approbationem aut respectivè benedictionem (quæ gratis dabitur) in scriptis obtinuerit; privilegiis contrariis quibuscunque & consuetudine etiam immemoriali non obstantibus.

III. Porro, convenit, ut constitutionem istam Pastores in concionatorum admissione ideo diligenter admodum observent, quod, decreto magni Concilii Lateranensis, omnes, qui prohibiti vel non missi, præter auctoritatem ab Apostolica Sede vel Catholico Episcopo loci susceptam, publice vel privatim prædicationis officium usurpare præsumserint, excommunicationis vinculo innodari, & nisi quantocius resipuerint, alia competenti pœna plecti jubeantur.

IV. Non permittant etiam Pastores ulli vago, ignoto, pere-